



Մի ընդհանուր ժողովուրդ,

Ողջունելով ամենքդ սիրով, ի սրտե՛ք յաջողութիւն կը մաղթեմ Ս. Եկեղեցւոյ Տարեկան, Մսական Ժողովին, մաղթելով նաեւ որ յառաջիկայ 1975-ը եւս արդիւնաւոր տարի մը ըլլայ մեր Մուխին մասնաւորաբար, եւ համայնքիս համար ընդհանրապէս:

Հովանիին ներքեւ Ս. Եջմիածնի Մայր Աթոռին, եւ Անոր արժանընտիր Գահակալին, եւ խնամատարութեամբ Առաջնորդարանին ու բարեջան մեր Թեմի Առաջնորդ Սրբ. Հօր ու բոլորիդ մասնակցութեամբ մեր փոքրիկ ու գողտրիկ եկեղեցիին կամարներուն տակ կատարուեցան մեր Հայր Ս. Եկեղեցւոյ արարողութիւնները. անխափան կիրակնօրեայ Ս. Պատարագի մատուցմամբ եւ տօնական Օրերու հանդիսութիւններով:

Դպրաց Դասը բերաւ իր անձնուէր ծառայութիւնը. անդամներէն եւ ոչ մէկը, Դպրապետը, Պրն. Տ. Ժամկոչեան, Օրկընիստները Պրն. Պ. Զուլիկեան Տիկ. Էնն Պուհըր առանց վարձատրութեան ծառայեցին եկեղեցիին: Նոյնպէս Ս. Սեղանին սպասարկողներ Տ. Աշոտ Սրկզ. Գրիգորեան, Ուրարակիր Դաւիթ Անտոնեան, որոնց թիւին վրայ աւելցաւ Պրն. Արտաւազը Տապապեան իբրեւ խորանի սպասարկող:

1974 տարւոյ ընթացքին մեր եկեղեցւոյ մէջ կատարուեցան 13 մկրտութիւններ, 3 պսակներ եւ 7 թաղումներ: Անցնող Յունիսին տօնեցինք եկեղեցւոյս 10-ամեակը պատշաճ հանդիսութեամբ Թեմական Առաջնորդ Հօր նախագահութեամբ. կը մաղթենք այլ բազմաթիւ տարեդարձներ:

Բոլոր այն գործերը, որոնք կը յիշուին Մխ. Խորհուրդի տեղեկագրին մէջ յաջողութեամբ կատարուեցան ժողովի անդամներու մեծամասնութեան մասնակցութեամբ. շնորհիւ Դիւանի ժրջան գործունէութեամբ ու մանաւանդ Ատենապետ Տօքթ. Ս. Էսէնեանի գիտակից եւ կարող առաջնորդութեամբ. բոլորին ծառայութիւնը գնահատութեան արժանի են:

Եկեղեցւոյս հինգ կազմակերպութեանց բոլոր ժողովներուն, թիւով 55, նախագահած եւ ուղղութիւն տուած ենք: Առաջինը ըլլալով ՄԽԱԿԱՆ ԽՈՐՀՈՒՐԴԸ.

Երկրորդը, ՏԻԿՆԱՆՑ ԵԿԵՂԵՑԱՍԻՐԱՑ ՄԻՈՒԹԻՒՆԸ, որ կը հանդիսանայ ողնասիւնը մեր Մուխին, գործունէութեան շատ յաջող տարի մը բոլորեցին ատենապետութեամբը Տիկ. Ճինի Սայեանի եւ Մարգի Սաթեանի: Տիկ. Նանցը միշտ կազմ ու պատրաստ ծառայելով իրենց զանազան ձեռնարկներով պայծառացուցին եկեղեցիին: Անոնք այս տարի լաւ գումար մը փոխանցեցին Մխ. Խորհուրդին. շնորհակալութիւն իրենց, մաղթելով նորանոր յաջողութիւններ:

Երրորդ ԿԻՐԱԿՆՕՐԵԱՅ ԴՊՐՈՑԸ, շնորհիւ մեր 10 ուսուցիչներու նուիրուած աշխատանքին, Տեսչութեամբը Պրն. Ճօզէն Վարդապետեանի, եւ Տօքթ. Զարլըս. Գրմբմեանի առաջնորդութեամբ տիպար Կիրակնօրեայ Դպրոցական տարի մը բոլորեց: Այս կրօնական հաստատութիւնը մեր եւ Մխ. Խորհուրդի ուշադրութեան եւ գուրգուրանքին մասնաւոր առարկան է:

Չորրորդ Հ. Ե. Ե. Կ. - քայսիսքն ՀԱՅ ԵԿԵՂԵՑԻՈՅ ԵՐԻՏԱՍԱՐԴԱՑ ԿԱԶՄԱԿԵՐՊՈՒԹԻՒՆ, ուրախ ենք տեղեկացնելու որ էյ-Սի-Ուայ-Օ-ն վերակազմուեցաւ: Իրենց տեղեկագիրը ցոյց կուտայ զգալի յառաջդիմութիւն. նոր ծրագիրներ, կայտառ գործունէութիւն եւ մեծ հետաքրքրութիւն թէ կուրախացնեն եւ թէ մեծ յոյսեր կը ներշնչեն մեզի: Մսական Խորհուրդը բացառիկ եւ կարեւոր գումար մը յատկացուց իրենց, եւ միշտ սպտրաստ է օգտակար հանդիսանալ էյ-Սի-Ուայ-Օ-ի եւ Կիրակնօրեայ Դպրոցին: Երիտասարդաց Ատենապետներն են, Օրդ. Մալուխիէ Պրաուն (Քէտիճեան) եւ Պրն. Ալըն Գազանճեան:

Մեր Թեմական Պատգամաւորները, Տիարք Ճօրճ Ճրսզալեան, եւ Աբրահամ Պատուրեան, ամէն անգամ որ պէտք եղաւ միշտ աջակցեցան Մխ. Խորհուրդին եւ Օգտակար եղան:

Եկեղեցւոյս անդամներու թիւին աճումը միայն կրնայ երաշխաւորել որ մեր Մուխը իրաւունք ունենայ երկու Թեմական Պատգամաւորներ ունենալու:

Առաջարկ ներկայացուցած ենք Պատժ. Մխ. Խորհուրդին որ անդամագրող Յանձնախումբ մը կազմուի. նաեւ այցելութիւններ տուող Յանձնախումբ մը, որոնց նման բազմաթիւ Հայ եկեղեցիներ ունին Միացեալ Նահանգաց մէջ:

ՇՆՈՐՀԱԼԻ ԾՆԱԿԱՆ ԱՄՍԱԹԵՐԹԸ կանոնադրաբար հրատարակուեցաւ տեղեակ պահե-
լով որչափայն եկեղեցւոյ անդամները այլ նաեւ մայրաքաղաքիս Հայ Համայնքը մեր
Ծուխի կեանքին եւ գործունէութեան մասին:

Թերթին խմբագրութիւնը ձեռնհասօրէն վարեց Տօթ. Սրբուհի էսէֆեան: Ընթեր-
ցողներու կողմէ շնորհակալութիւններ յայտնուած են գրաւոր եւ բերանացի, նոյնը
եւ կընենք մենք: Ամէնուս փափաքն է որ ան շարունակէ իր այս պաշտօնը եւս:

ՇՆՈՐՀԱԼԻ-ն ամէն ամիս 16 էջերով կը հրատարակուի (բացի Յուլիս-Օգոստ. է)
եկեղեցւոյ դրասենեակը հրատարակած է նաեւ թիւով 6 երկլեզուեան արարողու-
թեանց տետրակներ, որպէսզի բացառիկ արարողութեանց մասնակցին կամ հետեւին հա-
ւատացեալները: Շնորհալին եւ երկտասնեակ մը յայտարարութիւններ աւելի քան 450
Օրինակ կը դրուի եկեղեցւոյս հասցէացանկերուն:

Ամրան շրջանին ունեցանք այցելու Հոգեւոր Հովիւներ, որոնք Պատարագե-
ցին եւ քարոզեցին. անոնք են Գեղշ. Տ. Գարեգին Եպսկ. Գազանճեան, Կաթիկսկն. Պատուի-
րակ Աւստրալիոյ Թեմին, եւ նախկին Հովիւը եկեղեցւոյս Հոգշ. Տ. Գէորգ Մ. Վարդա-
պետ Կարպիսեան:

Հովուական այցելութիւններ տուած ենք բոլոր հիւանդներուն, անխտիր, ան-
դամ կամ ոչ անդամներու. նաեւ սգաւորներու եւ այլ պարագաներու բերմամբ երբ որ
պէտք եղած է այցելել:

Թեմական Պատուիրակի պաշտօնի բերմամբ ներկայացուցած ենք մեր եկեղեցին
պաշտօնական առիթներով հոն ուր պէտք եղած է կամ հրաւիրուած ենք: Ուրախ ենք
յայտնելու որ, յաջողած ենք հրաւիրեալներու պաշտօնական զանկերուն գլուխը դնել
տալմեր եկեղեցին Հոովմէական Կաթուղիկ, Եպիսկոպոսական, Մեթոտական, Սկրտչական
եկեղեցիներու եւ մի քանի Դեսպանատուներու:

Միջ-եկեղեցական քսան ձեռնարկներու հրաւիրուած ենք. յիշելու համար մի
քանին, Ս. Պապի գահակալութեան տարեդարձին. ձան Եպիսկ. Ալընի գահակալութեան,
Ուաշինկթըն Գրթիտորըի մէջ, նորասօծ երկու: Հոովմ. Կաթուղիկ Եպիսկոպոսներու ձեռ-
նարկութեան. էկուսմենիկ շարք մը ժողովներու, իբրեւ դիտող Կաթուղիկ եկեղեցւոյ
Ամերիկայի Եպիսկոպոսաց համագումարին. մանրամասն տեղեկագիրը Թեմական Պատուի-
րակի Յանձնախումբին կողմէ Առաջնորդարան դրուած է: Այս առթիւ գնահատու-
թեան իօսք ունինք եւ շնորհակալութիւն կը յայտնենք Յանձնախումբի անդամներուն
Ա. Պետ Տիար ձ. ձըսգալեանի, Ա. Դպիր Տօթ. Ս. էսէֆեանի, եւ գանձապահ Տիար Աբրահամ
Պատուրեանի:

Ուրախութեան եւ երախտագիտական զգացումով շնորհակալութիւն ձեր բոլո-
րին Սիրելի Անդամներ, որ մեր Հոգեւոր ու Պսական ծառայութեանց մասնակից եղաք
Անխտիր բոլորը ձեր կարողութեան, ժամանակին, եւ նիւթականին. ներած չափով մաս-
մասնակցութիւնիդ բերիք մեր Ծուխի գործերուն. դուք սիրելիներ այդ ըրիք իսն-
դավառ, գործօն, եւ նուիրուած ու գոհողութեան ոգիով. մեր նպատակը թող ըլլայ միշտ
յառաջ նայիլ մեր Ս. եկեղեցիին ու Ազգին Օգուտը միշտ վեր բռնելով, եւ Տե՛ր
պիտի Օրհնէ մեր գործը որքան ատեն որ այսպէս համերաշխ ենք ու իրարու հան-
դէպ սիրալիր ու յարգալիր զգացումներով եղբայրաբար գործակցող:

Սիրոյ ողջունիւ եւ լաւագոյն մաղթանքներով

Յամի Տեառն 1975 ~ 26-ն Յունուարի
Ուաշինկթըն - Տ. Գ.

